

# ÍSALP

ÁRSRIT ÍSLENSKA ALPAKLÚBBSINS 1985



## Fréttapistill



„Engin frétt er góð frétt“ svo segir máltækið. Það getur verið að þetta gildi um hið daglega líf, en þetta er ekki pólitík sem Ísalp-blaðið mótast af. Allar fréttir eru góðar fréttir (með augljósum undantekningum þó), og ég vil hvetja fólk til að láta vita af því hvað það er að gera, vegna þess að þessi pistill á að þjóna því hlutverki fyrir framtíðina að skjalfesta hvað er að gerast og hvað hefur gerst, mönnum til gagns og gamans. (DG)

## Klettur

Klettaklifur sumarsins 1984 mótaðist hérna sunnanlands af veðrinu. Heldur meir en venjulega vegna vætusams tíðarfars. Þó stunduðu menn Stardalinn og Þingvellina að einhverju marki. Og mátti á stundum, sjá töluverðan hóp klifrara í Stardalnum á einum og sama degi. Ekki verður of oft brýnt fyrir fólk að sýna tillitssemi og ganga vel um. Allar óþarfa raskanir eru illa séðar (þ.m.t. fleygar).

Nokkrar nýjar leiðir voru farnar, m.a. fór Doug Scott eina nýja í heimsókn sinni haustið '84.

## Utanlandsferðir

Ágúst mánuður er oft tími utanlandsferða fjallgöngumanna. Ágúst mánuður síðasta árs var þar engin undantekning. Heyrst hefur af töluverðum hópi sem sótti niður í Alpa í leit að „markmiðum“. Þar ber helst að nefna ferð Kristins Rúnarssonar og Jóns Geirssonar þar sem þeir klifu norðurhlíð Aiguille du Plan, T.D. ísklifurleið (sjá grein). Einnig fóru þeir Couturier-gilið á Aiguille Verte (D), Nollen á Mönch (AD), og Brenva-hrygginn á Mt. Blanch (AD+).

Gestur Geirsson, Guðjón Snær Steindórsson og



Agnar Jón Guðnason fóru einnig niður í Alpa á námskeið í Leysin, Sviss. Fóru þeir ýmsar leiðir með skólanum og síðan eftir það á Petit Aiguille Verte og Mt. Blanch. (sjá grein)

Í ágúst fóru Halldór Magnússon, Stefán Axelsson og Ragnar Hilmarsson á námskeið í Bernina Ölpunum. Þræddu þeir leiðir upp á nokkra tinda m.a. Piz Morteratsch (3751) og hina frægu Bianco-grat á Piz Bernina, sem Herman Buhl gerði fræga.

Broddi Magnússon dvaldist um 1 mánuð í Bretlandi og stundaði klettaklifur með þarlandum vini sínum. Fór hann margar leiðir af ýmsum gráðum (sjá nánar í grein).

## Þumall kvikmyndaður

Í júlímánuði '84 var klifur á Þumal (II/III gr.) kvikmyndað. Og má segja að þarna sé um að ræða

Anabasis. Ljóm. Jón Geirsson.



fyrstu „alvöru“ tilraunina til að kvikmynda klifur á Íslandi. Mun þetta hafa gengið að óskum. Þeir sem tóku þátt í þessu voru Ari T. Guðmundsson, Höskuldur Gylfason, Hreinn Magnússon, Sigurður Á. Sigurðarson, Birkir Einarsson og Pétur Ásbjörnsson.

Frumskýningartíminn er í óvissu þegar þetta er skrifað.

## Vesturbrúnir

Gott haust varð til þess að hægt var að klifa klettaleiðir langt fram eftir vetri (og reyndar í allan vetur). Og voru menn sérlega duglegir í Esjunni. Margar nýjar leiðir voru farnar eða reyndar við. Jón Geirsson, Snævar Guðmundsson fóru nokkrar leiðir og má þar helst nefna Heljarkamb III/IV gráðu leið. Gil norður af því var farið um jólin af þeim Þorsteini Guðjónssyni, Kristni

Í Vesturbrúnum Esju. Ljóm. Jón Geirsson.



Rúnarssyni og Jóni Geirssyni og nefnist sú leið Anabasis (III+/IV). Í veggnum þar við hliðina reyndu Snævar og Jón við leið í janúar (85) en urðu frá að hverfa negna næturmyrkurs. Og enn norðar sólo-leið Jóns Geirssonar.

Og er þá búið að fara í flest augljós gil í Vesturbrúnum Esju. (sjá annars leiðarvisir).

## Ísfossar

Og eitthvað voru menn að bisast við ísfossa þennan vetur, þó misjafnlega gengi vegna tíðarfars. Hefðbundnar leiðir hafa verið farnar, og einhverjar nýjar (sjá leiðarvisir). Grafarfossinn hefur verið vinsæll og var hann á tímabili „upptekinn“ helgi eftir helgi. Í Kjósarskarðinu fóru Ari T. Guðmundsson, Höskuldur Gylfason og Hreinn Magnússon, nýja ísfossa (sjá nánar grein).

Þumal. Ljóm. Einar Steingrímsson.



Hrynjandi. . . . Teikn. Höskuldur H. Gylfason.

## Skarðsheiðin

Ein síðbúin frétt úr Skarðsheiðinni. Óskar Þorbergsson og Björgvin Riharðsson fóru á Skarðshorn í fyrsta skipti að vetrarlagi, fyrri part vetrar '84. Var þar um mjög erfitt klifur að ræða eða V-gráða (TD gefur kannski betri mynd).

Kristinn Rúnarsson og Jón Geirsson fóru síðan aðra leið þar í febr. 85, sem var IV-gráða (eða D).

Ný leið var farin á NV-vegg Skessuhornsins í klúbbsferð í byrjun mars. Leið þessi liggur vinstra megin (austan) við klettariði sem er í miðjum veggnum. Leið þessi er áþekkt leiðinni hægra megin í veggnum eða ca. IV-gráða (D), og var hún farin sama daginn af sex mönnum. Jón og Snævarr, Kristinn og Þorsteinn, Páll og Broddi, þ.e. 3 reipi.

## Ein síðbúin

Höskuldur Gylfason, Hreinn Magnússon, Árni Arnason og Olgeir Sigmarsson fóru í Suðursveitina Páska '84. Þeir fóru ófarna Hryggjarleið á Vörðu- og Brekkutinda sem eru í Heinabergsfjöllum.